




BROJ: 06-23-1017/17

DATUM: 20.02.2017.

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
Reisa Džemaludina Čauševića 1
71000 Sarajevo



PREDMET: Odgovor na zastupničko pitanje zastupnika Sabahudina Delalića

Na 25. Radnoj sjednici Skupštine Kantona Sarajevo, održanoj 07.02.2017. godine, zastupnik Sabahudin Delalić, u okviru tačke Dnevnog reda „Zastupnička pitanja i odgovori“ u skladu sa Poslovníkom Skupštine Kantona Sarajevo, postavio je zastupničko pitanje:

„Da li može biti osigurana puna informacija o regulacionim planovima na internet stranici Zavoda za planiranje razvoja Kantona Sarajevo, što znači da tu budu svi važeći i prethodni regulacioni planovi, svi sa datumima pokretanja, donošenja i prestanka važenja?“

U obrazloženju je istaknuto da je pohvalno što se na stranici Zavoda u meniju pod „Prostorno-planska dokumentacija“ (PP Dokumentacija) nalaze karte usvojenih regulacionih planova, te sami regulacioni planovi u PDF obliku što je pohvalno i korisno. Ipak, ističe se da ovakva informacija nije potpuna te se postavlja pitanje da li Zavod može osigurati punu informaciju o regulacionim planovima tako da su svi usvojeni planovi, kao i oni koji više ne važe, svi sa datumima pokretanja i donošenja, te prestanka važenja i zamjene sa važećim planom, ta da je potrebno da ova stranica postane relevantan i ažuran izvor informacija, tako da bude upotpunjena sa svim poratnim regulacionim planovima, na način da zainteresirani posjetilac može naći stanje i izmjene kroz vrijeme.

Odgovor:

Na internet stranici Zavoda za planiranje razvoja Kantona Sarajevo u meniju „Projekti“ postavljeni su:

1. Planirani projekti;
2. Projekti u realizaciji;
3. Realizovani projekti.

U okviru ovog menia nalazi se popis odluka o pristupanju izradi svih planova prostornog uređenja (Prostorni plan, prostorni planovi područja posebnih obilježja, urbanistički planovi, regulacioni planovi i urbanistički projekti), kao i propisi kojima se uređuju odnosi u prostoru na području Kantona Sarajevo (zakoni o proglašenju zaštićenih područja i dr.). Popis sadrži podatke o službenim novinama Kantona Sarajevo, broj i godina donošenja, u kojima su objavljene odluke o pristupanju izradi



odnosnog plana, odluke o usvajanju odnosnog plana i odluke o provođenju odnosnog plana.

Ove odluke unose se na internet stranicu Zavoda od 2013. godine.

Meni „PP Dokumentacija“ (prostorno-planska dokumentacija) sadrži grafičke priloge za određeni broj dokumenata prostornog uređenja. Ovaj meni nije u cijelosti zaokružen sa svojim sadržajem.

Zavod za planiranje razvoja Kantona Sarajevo trenutno radi na uređenju i ažuriranju internet stranice, te će u narednom periodu raditi, u skladu sa raspoloživim kapacitetima i resursima, na unošenju ostalih odluka (od 1995 pa dalje) koje se odnose na razvojnu i provedbeno-plansku dokumentaciju.

Podaci koji su objavljeni na internet stranici su podaci na osnovu kojih su uređeni odnosi u prostoru. Postavljanje na internet stranicu grafičkih priloga koji više na važe za određene prostorno-planske dokumente predstavljalo bi nepotrebno opterećenje, obzirom da je opće poznato da se na internet stranicama postavljaju podaci koji su aktuelni ili koji mogu uticati na pravne interese osoba koje vrše uvid u internet stranicu. Postavljanje grafičkih priloga koji više nisu na snazi je neracionalno, zauzima znatan prostor u memorijama IT sistema, a nema uticaja na pravne interese posjetilaca internet stranice. U izuzetno rijetkim situacijama kada je to potrebno, zainteresiranim osobama su dostupne druge metode prikupljanja podataka kroz pristup javnim informacijama kada se može dati i određeno stručno tumačenje plana od strane Zavoda kao nosioca izrade planova.

Na kraju ovog odgovora je i veoma značajna činjenica da Zavodu nedostaje određen broj kadrova kako bi efikasnije i brže mogao raditi poslove iz oblasti djelokruga rada. Ova činjenica znatno utiče na ažurno unošenje podataka na internet stranicu Zavoda, no rukovodstvo Zavoda poduzima odgovarajuće mjere kako bi Zavod udovoljio svojoj funkciji i djelokrugu rada.

S poštovanjem,

Direktor

Hamdija Efendić, inž.ing. građ.



Dostavljeno:

1. Naslovu,
2. Arhiva